

Rong-plengo Seaha!

I. ANGNA AGRE NANG-NI GIRIN
ISOLRANG DONGJACHINA.

II. NA-A AN-TANGNA KITGIMIN
MITE DAKANIKO, BA
MAMUNGNI BIMANGKO
DAKNABE.

III. NA-A JIHOVA NANG-NI ISOLNI
BIMUNGKO INDINARI RA-
NABE.


IV. UKO RONGTALA
NENG-TAKAN

Amazing Facts
Poraiani

6

An-chingni

songjinmarango aro nokrangona mande so-otani aro kajia golma ong-ani napdrabahaon, tom-tomaniko aro naljokaniko man-nade an-ching pilakan a-songni niamrangna bamna nanggen ine iara miksongama? Ritcha bilsirangna skangan, Isol An-tangni niamko rong-plengo seaha – aro an-ching uarangko da-aloba rakkina nangkuenga ine Sastro agana. Isolni niamni je bakkoba pe-aniara ong-gija kamni biterangko pangnan ra-bagen. Indiba nangchongmotanide, pilak Isolni niamko rakkianio an-ching tom-tomani aro naljokaniko man-na ama. Gimaanio kenani ong-engon, Isolni Ge-eta Mingchikkungni gimin nang-ni janggi tanganio dikdiksa somoiko ra-e dingchike chanchianiko dakora gamchatjawama?




1

Isol An-tangan Ge-eta Niam Mingchikkungko sebebeahama?

“Isolni jaksichi segiminko Mosena on-aha ... Aro ua rong-plengrang Isolni daggimin ong-achim, aro ua rong-plengo kitgimin seani Isolni seani ong-achim” (Reongkata 31:18; 32:16).

Aganchakani: Oe! Salgini Isol An-tangni jaksitangchi Niam Mingchikkungko rong-plengo seaha.



2

Maidake Isol papni gimin talataniko dakaha?

“Niamko pe-an pap ong-a” (1 Johan 3:4).

Aganchakani: Isolni Niam Mingchikkungko pe-anian pap ong-a. Isolni niam chu-sokgipa ong-a (Gitrang 19:7), aro uni niamrang pilak ma-sina man-gipa papko man-gopa. Ge-etani niamrang “pilak [mandeni dakna nanggniko] (Aganprakgipa 12:13) man-gopa. Mamungkoba watchangjaha.

Maini gimin Isol Niam Mingchikkungko an-chingna on-aha?

“Niamko rakkigipa uan kusi ong-gipa” (Toe Skianirang 29:18) ong-a. “Angni ge-etanirangko rakkichina. Maina uarang salrangni bakroako aro tangani bilsirangko aro tom-tomaniko nang-na on-dapgen” (Toe Skianirang 3:1, 2).

Aganchakani A: Kusi ong-atna re-dilgipa ong-e, jringjrotna tanggipa, Isol an-chingko kusi ong-atna, tom-tomaniko man-na, bakroe janggi tangna, chu-ongnikna, chu-sokgipa ong-na, aro pilak gipin dal-a pattianirangko man-na an-chingko ong-ataha jekon an-chingni ka-tongrang man-na skenga. Isolni niaman kakketgipa ramarangko ja-rikna mesokatgipa noksa ong-a jedakode ia chong-motgipa katchaa aro kusi ong-aniko man-na amgen. “Maina niamchi paprangko u-iani ong-a” (Romrangna 3:20). “Indiba niamchi ong-jaode, anga papko u-ijawachim. Maina, Mikboknabe ine niam aganjaode, anga mikbokako u-ijawachim” (Romrangna 7:7).

Aganchakani B: Kakket aro tolan gisepo dingtanggrikaniko anchingna mesokna, Isolni niamara janera gita onga (Jakob 1:23-25). Janerao an-chingni mikkangrango moila donganiko nika gita, uan an-chingni janggi tanganirango ong-gija dakaniko mesokgipa ong-a. An-ching papko ka-enga ine u-ina man-anide, Isolni niamni janerachi simsakbee an-tangtangni janggirangko sandianiko dakanichisan ong-a. Bringipa a-gilsakna tom-tomaniko man-nade Isolni Niam Mingchikkungosan man-na gita ama. Uan bano ritingko salna nanga uko an-chingna agana!



“Aro ia pilak niamko dakna, an-chingni Isol Jihovana kenchina Jihova an-chingko ge-etaha” (Deuteronomy 6:24). “Angko rim-chakbo, unon anga kenani gri ong-gen, aro pangnan Nang-ni sea niamrangko dal-nikgen. Nang-ni sea niamrangoni pilak branggiparango na-a chonnikaha” (Gitrang 119:117, 118).

Aganchakani C: Kenani aro duk a-sel ong-aoniko an-chingko chelchakna. Isolni niamara an-chingko ka-namgijagipa, niasiatgipa matburungrangoniko chelchakna bilakgipa dring ba zoo gita ong-a. Ian an-chingko tol-e sakki on-aoniko, mande so-otani, mite olakkiani, cha-uani, aro bang-a gipin namgijagipa kamrang jean janggiko, tom-tomaniko, aro kusi ong-aniko niasiatna kam ka-a. Pilak namgipa niamrang chelchaka, apсандake Isolni niamba mamung dingtangani dongja.

“Aro an-ching uko u-ia ine iachi u-ia, chong-motan an-ching uni ge-etanirangko maniode” (1 Johan 2:3).

Aganchakani D: Ian Isolko u-ina an-chingko dakchaka.

Dingtangmanchagipa talatani: Isolni niam baksaong-telaigipa ge-etanirangko an-chingko dakgipa Isolchi mande sakantini bimango see donaha. Ua seanirang haida delmrumru dake nikna aro dak nanga gita ong-naba donga, indiba ian uano dongkuenga. Uarang baksa ku-cholsan ong-e dongna an-chingara ong-atako man-aha. Jensalo an-ching uarangko simsakjahaon, uni bitede pangnan gisko jajrengano, tomtomgija ong-anio, aro duko ong-egen – jedake simsakgija gariko salanio namen namjabegipa saknaani ba siani ong-na man-a.

4

Isolni niamara maini gimin dintangmancha nang-na namen gamchatgipa ong-aha?

“Jakgitelni niamchi bichal ka-ako man-nasigiparang gita, na-simang indaken aganbo aro indaken dakbo” (Jakob 2:12).

Aganchakani: Maina Ge-eta Mingchikkung niamara pangchakani niam ong-a jechin Isol manderangko salgjo bichal ka-anio sandianiko dakgen.

5

Isolni niamko (Ge-eta Mingchikkung) dingtangatna ba ra-galna man-ama?

“Indiba niamoni on-timinti chu-sokgijana batade salgi aro a-a

gimaan altubata” (Luk 16:17). “Angni songgigrikaniko anga ramram dakjawa, aro angni ku-chilrangoni ong-katgipako anga dintang dakjawa” (Gitrang 89:34). “Uni jakrangni kamrang bebe ong-ani aro bichal ka-ani ong-a; Uni pilak ge-ete donarang ka-dongchakani ong-a. Uarangko jringjrotna kingking mangrakataha; bebe ong-ani aro sronganio uarangko dakaha” (Gitrang 111:7, 8).

Aganchakani: Ong-ja. Sastroo namen rongtalbea je Isolni niamko dingtangatna man-ja. Ge-etanirang Isolni rongtalgipa cholonni niamrangko parape-aha aro uan Uni songnokni pangchakani ong-a. Isolni donga dipet uarang bebegipa ong-gen.

Ia noksao an-chingna mesokaniko daka je Isol aro Uni niamo apsangipa cholonrang donga, jean Ge-eta Niam Mingchikkungara Isolni chong-motgipa cholonko parape-a, jekon an-ching Isolni gimin nambate tosusae nina man-gen. Isolko salgioniko salongkatjaskalde aro Uko dingtangatjaskalde, Isolni niamko dingtangatna man-ja. Niamara maiachim uko Jisu an-chingna mesokaha – mandeni gita aganode, uan rongtale janggi tangani ong-a. Isolni cholonko dingtangatna man-ja; uni gimin Uni niamkoba man-ja.

	ISOL ONG-A	NIAM ONG-A
NAMGIPA	Luk 18:19	1 Timothy 1:8
RONGTALGIP	Isaia 5:16	Romrangna 7:12
CHU-SOKGIPA	Mati 5:48	Gitrang 19:7
RONGTALGIPA	1 Johan 3:2, 3	Gitrang 19:8
BEBEGIPA	Deuteronomy 32:4	Romrangna 7:12
Kuchou	Johan 3:33	Gitrang 19:9
GISIKNI GITA	1 Korinthingrangna 10:4	Romrangna 7:14
TOROMIGIPA	Jeremia 23:6	Gitrang 119:172
KAKKETGIPA	1 Korinthingrangna 1:9	Gitrang 119:86
KA-SARA	1 Johan 4:8	Romrangna 13:10
GIMAJAWA	Jakob 1:17	Mati 5:18
JRINGJROTN	Abachenga 21:33	Gitrang 111:7, 8

*Jensalo Jisu ka-tongo dongon, niamko rakkinasan
man-aija indiba kusi ong-anikoba ong-a!*



6

Jisu a-gilsako dongmitingo Isolni niamko ra-galahama?

*"Anga niamko aro katchinikgiparangni kattako gimaatna re-baaha ine dachanchi;
gimaatna re-baja, indiba chu-sokatna ... A-a aro salgi gimajana kingking, pilakan
ong-jaskal niamoni on-timintiba gimajawa" (Mati 5:17,18).*

Aganchakani: Beben, ong-ja! Jisu dingtangmancha aganaha je Ua niamko dingtangatna re-bajaha, indiba uko chu-sokatnasa re-baaha. Niamko bon-atani pal, rongtalgipa janggi tanganina chu-sokgipa re-dilgipa ong-na Jisu uko dal-dabataha (Isaia 42:21). Jisu indake mesokaniko daka je, "Na-a mande so-otnabe" ine agananiara, "mamungba a-sel gri" (Mati 5:21, 22) ka-o nanganiko aro mitchinikanikomesoka (1 Johan 3:15), aro me-chikko sikbee nianian til-eka ong-aha (Mati 5:27, 28). Ua aganaha, "Na-simang angna ka-saaoode, indide Angni Ge-etanirangko manibo" (Johan 14:15).



*Isol baditana
An-tangni niamna
simsakaha uko chisol
parape-aha!*

7

Isolni ge-etanirango ma-sie pe-jringgipa manderang jokatako man-genma?

"Papni dormaha sia" (Romrangna 6:23). Ua papirango gimaatgen (Isaia 13:9). "Maina saoba niam gimikko manie mingsao ja-gidote, pilakni gimin gro nanggipa ong-aha" (Jakob 2:10).

Aganchakani: Ge-eta Mingchikkung an-chingko rongtala janggio tangna re-dila. An-ching ge-etanirangoni mingsako manijaode, an-chingara nangchongmotgipa Isolni niamni gimin mesokani bakna simsakjaenga. Nangrimatgipa dingasa sliting chotode, chu-gimik miksonganian matchotjawaha. Sastro indine agana jensalo an-ching Isolni ge-etaniko u-ie pe-ahaon, an-chingara pap ka-enga (Jakob 4:17) maina an-ching Uni an-chingna skaniko jegalaha. Jerangan Uni namnikako dakgiparangsang salgini songnoko napna man-gen. Beben, Isol chong-mot onge gisik pilgipa aro uko dingtangatna man-gipa Kristoni bilko ra-chakgipa sakantikon kema ka-gen.



8

Niamko rakkianichi jeba jokatako man-genma?

"Maina uni mikkango pilak be-en niamni kamrangchi toromi inako man-jawa" (Romrangna 3:20). "Maina ka-sao bebera-achi na-simangko jokataha; aro ua na-simangoni ong-ja, Isolni on-asa; pilakba gaorade-jachina, ua kamoni ong-ja" (Ephesurangna 2:8, 9).

Aganchakani: Ong-ja! Aganchakanide namen rongtalbea. Darangba niamko manianichide jokatako man-jawa. Janggi jokatanide ka-sachakanichisan re-bara, uan Jisu Kristoni indin on-ani ong-a, aro an-ching uko an-chingni kamrangchi ong-ja indiba ia indin on-aniko bebera-achisa man-aha. Niam janera gita kam ka-a jean an-chingni janggi tanganirango ka-gipa papko mesoke on-a. Janera nang-ni mikkango moila donganiko mesoke on-a gita ong-a indiba nang-ni mikkango rongtalatna man-ja, uni gimin paponi rongtalaniko aro kem ka-aniko man-nade Kristochisan man-na ama.



9

Indide, maina, niamara Kristian cholonko namdapatna nangchongmotani ong-a?

"Isolna kenbo, aro Uni ge-etanirangko manibo; maina ian pilak mandeni dakna nanggni" (Aganprakgipa 12:13). "Maina niamchi paprangko u-iani ong-a" (Romrangna 3:20).

Aganchakani: Maina Kristian mandeni janggi tanganio "dakna nanggni" de Isolni niamo dongaha. Bilsidok ong-gipa me-a bi-sa jean an-tangko sason ka-gipa dakaha, aro an-tangni ma-gipana an-tangko feet 12 changroa ine aganaha gita, an-ching an-tangtangko toe aganande, mamungsaloba naljokani dongja. Isolni niamko namedake niatjaskalde, an-ching papirang ong-a ine u-ina man-ja. Niamko rakkina simsakjaoba, nama kamrangan an-tangtangni janggi jokaniko man-na dachakgen ine bang-batan chanchia (**Mati 7:21-23**). Indake, uamang toromi aro jokgiminrang ong-a ine chanchia indiba uamang papibegipa aro gimagiminrang ong-aha. "Aro an-ching uko u-ia ine iachi, chong-motan an-ching Uni ge-etanirangko maniode" (**1 Johan 2:3**).



10

Chong-mot ong-e gisik pil-gipa Kristian mandena Isolni niamko ja-rikna maiasa man-ata?

"Anga Antang niamrangko uamangni gisik dongen, aro uarangni katongo uarangko segen" (Ibrirangna 8:10).

"Angko bilakatgipao anga pilakkon dakna ama" (Philipirangna 4:13). "Isol An-tang Depanteko papi be-enni bimang gita aro papni gimin watate ... maikai ... Gisik gita re-ruragiparang an-chingo niamni ge-etako chu-sokatgen" (Romrangna 8:3, 4).



Aganchakani: Kristo gisik pil-gipa papirangkosan kema ka-aijaha, Ua uamangko Isolni bimangonaba man-pilatna dachaka. Ua uamangko Uni niam baksa Uni blini dongpaanichi nangrimaniona ra-bara. "Na-a daknabe" ingipaan Kristian mandeko cha-ujawa, tol-jawa, so-otjawa ine ku-rachakani ong-ata, maina Jisu an-chingni gisepo donggen aro sasono dongen. Isol An-tangni niamko dingtangtjawa, indiba Ua Jisuchi papi mandeko dingtangatna cholko on-a jedakode an-ching ua niam gita janggi tangna man-gen.

11

Bebera-gipa aro ka-sachakanio dongenggipa Kristian mandeara niamko rakkiaoni jakgitel ong-ahama?

"Maina [Papko ka-gipa sakantian niamkoba pe-a – **1 Johan 3:4**] pap na-simangni kosako gitel ong-jawa; maina na-simang niamni ning-o ong-ja, indiba ka-saani ning-o. Indide mai? Niamni ning-o ong-gija ka-saani ning-o ong-ani gimin an-ching pap ka-genma? Ong-jachina" (**Romrangna 6:14, 15**). "Indide an-ching bebera-achi niamko indin ong-aiatama? Ong-jachina. Indiba an-ching niamko mangrakata" (**Romrangna 3:31**).

Aganchakani: Ong-ja! Sastrode uni bikipilesa skiskara.

Ka-sachakaniera governorni koedina kema wataniko on-ani gita ong-a. lan uko kema ka-a, indiba ian minggipin niamko pe-na jakgitel on-ani ong-ja. Kema ka-ako man-gipa mande, ka-sachakanio donge, an-tangni janggi jokanina mitele Isolniniamko rakkiangkuna sikgen. Je mandean, an-tangko ka-sachakaniosa dongenga ine agane, Isolni niamko rakkina jechakode, uade namen gualaniko dakaha.



12

Isolni Ge-eta Mingchikkunrangko Niam Gitaloba ra-chakaniko dakahama?

Aganchakani: Oe – aro namen rongtalbee talataniko daka. Ka-mao on-gipa kattarangko namedake simsake niatbo:

1. "Na-a an-tang Isol Gitelko olakkibo, aro ukosan manibo" (**Mati 4:10**).
2. "Dederacharang, na-simang an-tangtangko mitel dakanioniko rakkibo: (**1 Johan 5:21**). "Uni gimin Isoloni atchigipa ong-eba, an-ching mandeni changachi aro chanchiachi sona, rupa, ba ro-ongko sol-a daggimin gita Isolko chanchina nangja" (**Watatarang 17:29**).
3. "Maikai Isolni bimung aro skiani kal-stapako man-jawa" (**1 Timothyna 6:1**).
4. "Maina salsnini gimin ua banoba indake aganaha. Aro Isol ua salsni salo an-tang pilak kamrangoni neng-takaha. Indide Isolni manderangna neng-takani sal dongenga. Maina Uni neng-takanio napgipa, Isol kamtangoni gita an-tangba kamtangoni neng-takaha" (**Ibriarangna 4:4, 9, 10**).
5. "Ma-ako aro paako mandera-bo" (**Mati 19:19**).
6. "Mande so-otnabe" (**Romrangna 13:9**).
7. "Tileknabe" (**Mati 19:18**).
8. "Cha-unabe" (**Romrangna 13:9**).
9. "Na-a tol-e sakki on-nabe" (**Romrangna 13:9**).
10. "Na-a mikboknabe" (**Romrangna 7:7**).

**NIAM
GITALO
ISOLNI
NIAM**



NIAM GITCHAMO ISOLNI NIAM

1. "Angna agre nang-ni gipin isolrang dongjachina" **(Reongkata 20:3).**
2. "Na-a an-tangna kitgimin mite dakaniko, ba kosako salgio donggipa, ba ka-mao a-ao donggipa ba a-ani ningo chio donggipa mamungni bimangko daknabe: na-a an-tangko uamangni mikkango tuchikopatnabe, aro na-a uarangna dangdike on-nabe; maina anga Jihova nang-ni Isol sanalgipa Isol, pagiparangni namgijana dedrangni kosako, angko mitchigiparangni gitamgipa chasongni kosako, aro brigipa chasongni kosako sasti on-gipa, aro angna ka-sagiparang aro angni ge-etanirangko manigiparangna, hajal hajalrangna ka-sachakako mesokgipa ong-a" **(Reongkata 20:4-6).**
3. "Na-a Jihova nang-ni Isolni bimungko indinari ra-nabe; maina Jihova uni bimungko indinari ra-gipako namgija gri ine injawa" **(Reongkata 20:7).**
4. "Uko rongtala ine rakina neng-takani salko gisik ra-bo. Sal dok na-a gambo, aro nang-ni pilak kamko ka-bo; indiba snigipa sal Jihova nang-ni Isolna neng-takani ong-a: uno na-a mamung kamkoba ka-nabe, na-a, aro nang-ni depante, aro nang-ni demechik, nang-ni nokol me-asa, aro nang-ni nokol me-chik, aro nang-ni jillanirang, aro nang-ni guareni do-garangni ning-oni mande agital; maina saldoko Jihova salgi, aro a-ako, sagalko, aro uarango donggipa pilakkon dakaha, aro snigipa salo ua neng-takaha; uni gimin Jihova neng-takani salko patiaha, aro uko rongtalataha" **(Reongkata 20:8-11).**
5. "Nang-ni ma-ako aro nang-ni paako mandera-bo, maikai nang-ni Isol Jihovani nang-na on-gimin a-songo nang-ni salrang bakrona man-gen" **(Reongkata 20:12).**
6. "Na-a mande so-otnabe" **(Reongkata 20:13).**
7. "Na-a til-eknabe" **(Reongkata 20:14).**
8. "Na-a cha-unabe" **(Reongkata 20:15).**
9. "Na-a nang-ni songsulna tole saki on-nabe" **(Reongkata 20:16).**
10. "Na-a nang-ni songsulni nokna mikboknabe, na-a nang-ni songsulni jikgipana, ba uni nokol me-asana, ba uni nokol me-chikna, ba uni matchuna, ba uni gadana, ba nang-ni songsulni mamungnaba mikboknabe" **(Reongkata 20:17).**



13

Isolni niam aro Moseni niamara apsan ong-aiama?

Aganchakani: Ong-ja – uarang apsan ong-ja. Uarangni dingtanggrikaniko ka-maoniko poraibo:

Moseni niamo pangkamgijagipa Niam Gitchamni niam donga. Ian kamalni dangdike on-ani, hom bolirango on-ani, niamrang, on-anirang aro gipinrang ... jerangan chisolko mesoksoaha. Ia niamko Bitchri re-bakujana kingking” on-dapaha, aro ua bitchriara Kristoan ong-achim (**Galatirangna 3:16, 19**). Moseni niamni hom boli aro manianirang Kristoni sichakaniko mesoksoaha. Jensalo Ua siahaon, ia niam bon-atako man-aha, indiba Ge-eta Niam Mingchikkungko (Isolni niam) “Jringjrotna kingking mangrakataha” (**Gitrang 111:8**). Uano niam rokom gni donga rongtalbeen **Daniel 9:10, 11** o talataniko dakaha.

U-iatani: Isolni niam pap dongadipet donggen. Satro agana, “Niam donggijag niamko pe-aba dongja. (**Romrangna 4:15**). Uni gimin Isolni Ge-eta Mingchikkungde a-bachengonin donga. Manderang ua niamko pe-aha (**papko ka-aha – 1 Johan 3:4**). Papni a-sel (Isolni niamko pe-aha), Kristoni re-bae sichakjana kingking Moseni niamko on-aha (**“on-dapaha” – Galatirangna 3:16, 19**). Rokomgni niamrang donga: Isolni niam aro Moseni niam.

 Moseni Niam  Isolni Niam	
“Moseni niam” (Luk 2:22) mingaha.	“Kotokrangni Jihovani niam” (Isaia 5:24) mingaha
“Dakbewalrango donggipa ... niam” (Ephesurangna 2:15) mingaha.	“rajani niam” (Jakob 2:8) mingaha.
Mosechi ki-tapo seaha (2 Serikani 35:12)	Isol rong-plengo seaha (Reongkata 31:18; 32:16)
Niam sundukni sambao donaha (Deuteronomy 31:26)	Niam sundukni ningo donaha (Reongkata 40:20)
Chisolsako gimaataha (Ephesurangna 2:16)	Jringjrotna mangrakatako man-gen (Luk 16:17)
Papni asel ondapaha (Galatirangna 3:19)	Papko mesokata (Romrangna 7:7; 3:20)
An-chingni kosako, bobil daggipa (Kolosirangna 2:14)	Ge-etanirang Jimja (1 Johan 5:3)
Darangkoba bichal ka-jachina (Kolosirangna 2:14-16)	Pilak manderangko bichal kaa (Jakob 2:10-12)
Beenni gita (Ibrirangna 7:16)	Gisikni gita (Romrangna 7:14)
Mamungkoba chu-sokatja (Ibrirangna 7:19)	Chu-sokata (Gitrang 19:7)

14

Je manderangan Isolni niamko ja-rike janggi tangna miksonga, uamangni kosako diabol maidake chanchia?

"Aro ua drakon ua mechikko kaonangbeaha, aro Isolni geetaniko rakkigipa aro Jisuni saki gngangipa, uni dongpitigipa bitchirang baksa dakgrikna reangaha" (Parape-a 12:17). "Ianon rongtalgiparangni, chong-motan Isolni ge-etaniko aro Jisuko bebera-ako rakkigiparangni, chakchika gnan" (Parape-a 14:12).


Aganchakani: Isolni niamko rakkigiparangko diabol mitchia maina ua niamara kakkete janggi tangna mesokani ong-a, uni gimin Isolni niamko rakkigiparangni kosokako uni bilaken jegalaniko dakani gimin aiao inmanna nangja. Isolni niamni kosako uni dakgrikanio, Ge-eta Mingchikkungko jegalchina aro mandeni dongimin niamrangko ja-rikchina dilgiparangko jakkalgen. Jisu indine aganaha, "Na-simang an-tangtang chasong chasongni niamni gimin maina Isolni ge-etako pe-a? ... Indiba uamang angko olakkigramaia, skianirang ine manderangni ge-etanirangko skie" (**Mati 15:3, 9**). Aro Daud aganaha, "Jihovani kam ka-ani sal ong-a; maina Nangni niamko uamang bingbangataha" (**Gitrang 119:126**). Kristianrang mikrakna nangaha aro Isolni niamko chong-motgipa uamangni ka-tongrangni aro janggirangni biapo donna nangaha.



15

Kristian mandena Ge-eta Mingchikkungko manina nanga ine na-a bebera-ama?

Nang-ni Aganchakani:



Nang·ni Sing·anirangna Aganchakaha

1. Niamo gualani donga ine Sastro aganahama?

Aganchakani: Ong·ja. Manderangosa gualani donga ine Sastro aganaha. Isol “uamango gualaniko” man·aha (**Ibrirangna 8:8**). Aro **Romrangna 8:3** o Sastro agana je niamara “be·enchi bil griani gimin, dakna amjaha.” Ian pangnan apsangipa aganani ong·gen. Niam chu·soka, indiba manderangosa gualani donga, or bilgria. Uni gimin Isol An·tangni Depanteko manderangni gisepo donganiko nangnikahachim “maikai be·en gita re·ruragija Gisik gita re·ruragiparang an·chingo niamni ge·etako” Kristoni dongpaanichi “chu·sokatgen” (**Romrangna 8:4**).

2. Jensalo Galatirangna 3:13 o aganani gita an·chingara niamni matnangaoni piokako man·aha ine aganon ian maiko miksonga?

Aganchakani: Niamni matnanganiara sianian ong·a (**Romrangna 6:23**). Kristo “darangni a·sel siako” (**Ibrirangna 2:9**) cha·totaha. Indake Ua pilakkon niamni matnangaoniko (siako) piokaha aro uni biapo jringjrotni janggiko on·skaaha.

3. Kolosirangna 2:14-17 aro Ephesurangna 2:15 o agangipa kattarangara Isolni niamko chisolsako bon·ataha ine skiamo?

Aganchakani: Ong·ja. Iano agangipa kattarang “Moseni niamkosa” aganenga, je niaman hom boli on·ani aro kamalni kam ka·anirangan ong·a. Ia pilak niamrang aro boli on·anirang Isolni nangnika gita chisolsako Kristoni sichakanio bon·ataha. Moseni niamko “bitchri sokbajana kingking” on·dapaha aro ua “bitchri ... Kristo” ong·a (**Galatirangna 3:16, 19**). Isolni niamde iano bak dongna man·ja, maina Paul iani gimin rongtala, kakket, aro nama ine Kristoni chisolsako sichakani bang·a bilsirangni ja·mano aganaha (**Romrangna 7:7, 12**).

4. Sastro agana, “ka·sara niamko chu·sokatani ong·a” (**Romrangna 13:10**).

Mati 22:37-40 rango an·chingko Isolna ka·sachina, aro songsulrangna ka·sachina ge·etaniko daka, aro ia kattarangchi matchotata, “Ia ge·eta minggnionarang niam aro katchinikgiparangni agana pangchaka.” Ia ge·etanirangara Ge·eta Niam Mingchikkungni biapko ra·skaahama?

Aganchakani: Ong·ja. Ge·eta Niam Mingchikkung an·chingni ge 10 jaksirang an·chingni jak samgnio jedake dingdee donga gita ia ge·eta minggnio dingdee donga. Uarang dingtangna man·ja. Isolna ka·saanian skanggipa mingbri ge·etanirangko rakkina dakchaka (jean Isolni gimin chanchiani ong·a) namnikani onga, aro an·chingni songsulna ka·saani geeta migdokko rakkina dakchaka (jean an·chingni songulna chanchiani ong·a) ian katchaani ong·a. Ka·saani niamko ramrangipa bamaniko ra·anganichi aro niamko ka·sroke manianichi chu·sokata (**Gitrang 40:8**). Jensalo an·ching chong·mot ong·e mandena ka·saaon, uni mol·olanirang katchaani ong·skaa. Jisu aganaha, “Angna ka·saaode, indide na·simang angni ge·etanirangko manibo” (**Johan 14:15**). Uni ge·etanirangko rakkigija dakede Gitelna ka·sana man·ja, maina Sastro agana, “Maina ian Isolna ka·sara, chong·motan Uni ge·etanirangko mania, aro Uni ge·etanirang jrimja” (**1 Johan 5:3**). “Anga Uko u·ia ine Uni ge·etanirangko manigijagipa, ua tol·gipa aro uno bebe dongja” (**1 Johan 2:4**).



5. Ro-ongo kite segipa niamko ra-galna nangachim ine 2 Korinthingrna 3:7 skiahama?

Aganchakani: Ong-ja. Segipa kata indine agana, “Moseni mikkangni chon-changgipa rasongni” dangdike on-ani niam bon-atako man-na nanggenchim. **2 Korinthingrna 3:3-9** o segipako chugimikan namedake poraibo. Iano mongsonggipa ja-pang kattade niamko ra-galani giminde ong-ja, indiba, rong-plengrangni niamko ka-tongrangni plengrangona dingtangatani giminsa ong-a. Moseni dangdike onani somoio niam rongplengrango seachim. Gisik Rongtalgipa dangdike on-anio, Kristochi, niamara ka-tongo seako man-skaha (**Ibrirangna 8:10**). Skul bulletin boardo segipa niam jensalo poraigipani ka-tongo naposanmangmang chu-sokatna bil gnannggipa ong-gen. Apsandake, Isolni niamko rakkianichisan katchae aro kasroke janggi tanggen maina Kristian mandeo Isolna aro mandena chong-motgipa ka-saani donga.

6. Romrangna 10:4 o agana, “Kristo niamni bon-kama ong-a.” Indide, ian bonahama?

Aganchakani: Ia podo “Bon-kama” ingpa kattara **Jakob 5:11** o agana gita miksongani ba mangsongani ine orto ong-a. Ortoe rongtalbea. Manderango Krisitoona dilna – jeon uamang toromi ong-na man-gen –ian miksongni, mangsongani, ba niamni bon-kama ong-a.

7. Maini gimin bang-a manderang Isolni niamchi kaaniko jechaka?

Aganchakani: “Maina be-enni chanchiara Isolna bobil ong-ani ong-a; maina ua Isolni niamna bamja, aro amaba amja; aro be-eno ong-giparang Isolko namnikatna amja. Indiba na-simango Isolni Gisik dongode, na-simang be-eno ong-ja, indiba Gisiko. Indiba saoba Kristoni Gisikko man-jaode, ua unin ong-ja.” (**Romrangna 8:7-9**).

8. Niam Gitcamni toromi manderang niamchi jokataniko man-ahama?

Aganchakani: Darangba niamchi jokatako man-jaha. Jerangan chasongjolon jokatako man-aha ka-sachakachi jokatako man-aha. “Ka-saa gita, jeko Kritsto Jisuo jringjrotni salna skang an-chingna on-aha” (**2 Timothy 1:9**). Niam papkosan mesoke ona. Kristosan jokatna mana. Noah “Jihovani nikao ka-saaniko man-aha” (**Abachenga 6:8**); Mose ka-saaniko man-aha (**Reongkata 33:17**); Bakrao Israelrang ka-saaniko man-aha (**Jeremia 31:2**); aro Abel, Enok, Abraham, Isaak, Jakob, Joseph, aro banga Niam Gitcamni gipin manderang **Ibrirangna 11** o gita “bebera-achi” jokatako man-aha. Uamang chisolko nichaksoachi jokatako man-aha, aro an-ching, uko nipilatanichi jokatako man-aha. Niamara nangchongmotgipa ong-a maina, janera gita, ian an-chingni janggi tanganirangni “moila” ko paraka. Ia gride, manderang papirang ong-a aro uni gimin mamung u-isamsoani dongja. Indioba, niamo jokatani bil dongja. Ian papko mesoke on-nasan man-aia. Jisu aro Uasanmangmang, mandeko paponiko jokatna man-a. Ian Niam Gitcamni somoirangoba panganan bebe ong-ani donga (**Watatarang 4:10, 12; 2 Timothy 1:9**).

9. Maina niamni gimin jajrenga? Chanchie kam ka-anian jokatna re-dilgipa ong-jama?

Aganchakani: Ong-ja! Sastro namgija chanchiani, ong-sigimin chanchiani, aro gitik gitak dake chanchiani gimin agana – ia pilakoba naljokani dongja (**Toe Skianirang 14:12**). “Ka-tongtangna ka-donggipa gisik seng-gijagipa ong-a” (**Toe Skianirang 28:26**).

Nang.ni agananiko ba sing.anirangko iano sebo



01



02



03



04



05



06



07




08



09



10



11



12



13



14

Poraiani lesson 14 rangoni ia lesson sa ong-a!

Lesson prakan chong-motgipa aiao inmanirang baksa gapatako man-aha jean nang-ko aro nang-ni nokdangko dingtangtgen aro nang-na baikamgipa ka-donganiko ra-bagen.

Mingsakoba watchangalnabe!

Poraiani 01: Nang-ni Ka-dongchakna Man-gijani Uano Maiaba Dongkuengama?

Poraiani 02: Isol Diabolko Ong-atahama?

Poraiani 03: Sina Nangaoniko Jokataha

Poraiani 04: Bangbango Donggipa Mingsinggipa Songjinma

Poraiani 05: Kusi Ong-gipa Bia Ka-ani Chabirang

Poraiani 06: Rong-plengo Seaha

Poraiani 07: Itihasni Gimagimin Sal

Poraiani 08: Bon-kamgipa Naljakatani

Poraiani 09: Rongtalani & Bil!

Poraiani 10: Sianiara Sibebani Ong-ama?

Poraiani 11: Diabolara Norokko Nirok Simsakgipa Ong-ama?

Poraiani 12: 1,000 Bilsirangna Tom-tomani

Poraiani 13: An-sengbaljokanina Isolni Indin On-gipa Daksamsoani

Poraiani 14: Katta Maniara Niamko Kingkot Dake Manianima?

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. Ge-eta Niam Mingchikungko (1)

Isolchi seachi
Mosechi seaha
U-igijagipa mandechi seaha

2. Sastro gitade, papara (1)

Mandeo chu-onggijani gimin ong-aha
Isolni niamko pe-ani gimin ong-aha
Jeba guale dakani gimin ong-aha.

3. Isolni niamni gimin bebe onganiko ka-mao agangipa kattarangoni sandianiko dakbo: (4)

Ian kusi dongna chusokgipa dilani onga.
Janera gita, ian papko mesoke on-gipa ong-a.
Ian baljrimgipa aro ka-saninggija dagkipa ong-a.
Ian angko namgijaoniko chelchakgen.
Isol gita ian apsangipa cholon bewal donga.
Iako Niam Gitalode bon-ataha.
Ian sao ba matnanganisan ong-a.

4. Isolni Ge-eta Niam Mingchikung: (1)

Niam Gitchamni somoirangnasan ong-achim.
Jisuni chisolsako sichakon ra-galaha.
Dingtangatna man-gijagipa ong-a.

5. Bichal salo, anga iako dakode jokatako man-gen: (1)

Anga namgipa kamrangko dakjringode.
Ge-eta Niam Mingchikungko manioba ba manijaoba, anga Isolna ka-saaode.
Angni Jisu baksa ka-saanichi nangrimanian angko Uni pilak Ge-etanirangko manina dilanga.

6. Manderang (1)

Niamko rakkianichi jokatako man-aha.
Niamko pe-anichi.
Jisu Kristochisan mangmang jokatako man-a ama.

7. Gisik pil-gipa chong-motgipa Kristianrang (1)

Isolni niamko Kristoni bilchi rakkia.
Niamko rakkija maina ian bon-atako man-aha.
Ge-etaniko manina nanganian dongjaha ine chanchia.

8. Ka-sachakanio donggipa mande (1)

Pap ka-jaoba Ge-eta Niam Mingchikungko pe-na man-a.
Ian niamko maniaoniko jakgitelataha.
Isolni ge-etanirangko katchae rakkigen.

9. Ka-saani niamko chu-sokata maina (1)

Ka-saani niam baksa kam ka-aha.
Chong-motgipa Isolna aro manderangna ka-saanian niamko manina katchaata.
Ka-saanian bamanina bate nangchongmota.

10. Moseni niam (1)

Isolni niam gitan apsan ong-a.
Maniani niamrang aro boli on-anirang, jean Kristoko mesokaha aro chisolsako bon-ataha.
Jringjrotna rakkina ba manina nanganirang ong-a.

11. Ge-eta Mingchikkungko manigipa manderang (1)

Pilakan niamko kingkot dake manigiparang ong-a.
Daibolchi jegalako man-gen, jean Isolko aro Uni niamko mitchia.
Niamko rakkianichi jokatako man-giparang ong-a.

12. Kristo aro niamni gimin agananirangna sandianiko dakbo: (4)

Jisu niamko peaha.
Jisuan niamko rakkina man-a ine mandeni jatna chu-sokgipa dakmesokgipa ong-a.
Jisu niamko ra-galaha.

“Na-a angna ka-saode, indide Angni ge-etanirangko manibo” ine Jisu aganaha.
Jisu niamko dal-ataha aro ian pilak rokom pap ka-anirangko man-gopaha ine mesokaha.
Jisu aganaha je niamko dingtangatna man-ja.

13. Kristian mande Isolni Ge-eta Mingchikkungko katchae manigen ine anga bebera-a, aro anga Jisuko an-tangni janggi tanganiko gipinrang baksa apsan ong-aniona ra-bana dakchakchina bi-enga.

Ong-a.
Ong-ja

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita “Submit” ingipao click ka.bo.

Nang.ni bimung :				
Nang.ni Email :				
Phone Number :				
Nang.ni Address :				
City, District :	State :	Country :		
Pin :	Bilsi :	Misi :		

Nang.ni contact info-ko tik dake on.bo